

1928

برنجی جلد

0534

tehl

12


فلسفہ بیلکسی مجموعہ

فلسفہ بیلکسی درنکی عمومی مرکزی طرفندہ نشر اولونور

مدیری :

ضیاء المعبود فخری

خلق بیلکسی درنکی کاتب عمومیس



آنقره

1928

سینوب ولایتی ، تاریخی و جوغرافی نرقیبه : مؤلفی سینوب آثار غنیه مجلری جمعینی
 نائب عمومی محمد شاکر بک برنجی کتاب

ایلك فورمه سی انتشار ایتیش اولان و مادی سبیلردن طولای متباقی قسملری غیر مطبوع قالان بو اثرک باش طرفنده شا کر بک مقصدینی آکلاتیور:

(سینوبک زنکین بر تتبع ساحه سی تشکیل ایدن «خلفیات-Folk-lore» نه دائر بر طاسلاق وجوده کتیرمک مراقیله خلی تدقیقاتده بولنش و بو شعبه معرفتک احتواسی آلتنه کیرن خصوصات حقنده ایجه ده نوط طولامشدم. بالآخره ولایتک نصفندن فضه بر قسیمی اوزرنده یاپدیغم اوزونجه بر جولانک ویردیکی دها جدی بر تحقیق فرصتی اوزرینه اولجه طولادیغم معلوماتی یکیدن آله ایتدیکم تفصیلاتله قارشیلادیروب آله آلمغه دکر بر اثر جکک اک اساسلی مالزومه سنی تلفیق ایتیش بولونقدن متولد بر شوق ایله مسوداتی تبیضه باشلامش و اکمال ده ایتشدم) برنجی کتابک برنجی قسیمی قبل المیلاددن عثمانلیره قدار سینوب تاریخی احتوا ایدیور. بزی علاقه دار ایدن خلق بیلکی قسیمی ، هنوز غیر مطبوعدر. بناءً علیه بزم ، بو اثر حقنده بوراده سویله یه جک بر فکر من یوقدر. مؤلف اثرک متباقی اقسامنی درنکه کوندره جکینی بیلدیرمکده در. ممنونیت و شکرانله قارشیلانان بواشعارک نتیجه سننده کوره جکمز سینوب خلقیاتی بحثنه عائد فکر لر منری بالآخره قید ایدیه جکر و اثرک طبعی اسبابی حاضر لامغه چالیشه جغز . قیمتلی آرقداشمزی تبریک ادر ، مساعیسنده موفقیت دیلرز.

A. H

بایوردلی ذهنی : مؤلفی ، ضیاء الدین فخری ، برنجی کتاب ، استانبول 1928

الهامی وفوزی مطبعه سی ، ص 68

آرقداشمز ضیاء الدین فخری بک ، مشهور شاعر بایوردلی ذهنینک حیاتی ، اثری ، ادبی شخصیتی حقنده ، اوزون بر مساعی نتیجه سننده حاضر لادینی کتابک برنجی قسیمی اخیراً کوچوک بر جلد حالنده نشر ایتدی . خلق وعینی زمانده فلاسیک ادبیاتمک بللی باشلی بر چهره سی اولدینی جالده ، نه دنسه ، شیمدی یه قدار کشف بر قارا کاق ایچنده براقیلان بایوردلی ذهنی بی طامیق ایچون ، اوتهدنبری محتاج اولدیغمز بو اثر ، قیمتلی شاعرک سیاسی ، بوتون خطلری و تفرعاتیله اوکمزده جانلاندیرمقده در .

المزده بولونان برنجی کتابده ، قیصا بر باشلانغی متعاقب بایوردلی ذهنینک حیاتی تدقیق اولونقده ، اوندن سوکرا دیواننه کچیه رک قصیده لری ، غزلاری ، داها سوکرا ده هجویه لر یله مختلف پارچالری و دستانلری موضوع بحث ایدیلکده در .

کتاب هنوز تماماً چیقمدینی ، بالخاصه شاعرک بزی علاقه دار ایدن قوشمه لری نشر ایدلمدیکی جهته ، حقنده قطعی بر مطالعه درمیانی امکانی موجود دکیلسه ده ، منتشر بولونان برنجی قسیمی نظراً ، اثرک خلق بیلکیسی تدقیقاتی اعتباریله دقته شایان اولدیغنی قبول ایتک ضروری ، بوقسمده ، دستانلرک خصوصی موقفی ، عرض ایتدیکی اهمیت دقته شایاندر . ایکنجی قسم چیقمدینی زمان ، ضیاء الدین فخری بکک محصولانی یاقیندن تعقیب ایتک اوزره شیمدیلك کتابک برنجی قسمنک انتشارندن ، ایکنجی قسمنکده انتشار ایده جکندن قارئلر منری خبردار ایله مکله اکتفا ایدیوروز.

MEHMET HALİT